



TARIK SADOVIĆ, ministar sigurnosti BiH
Sukobi na Balkanu izbiće samo ako ih proizvede neka političko-obaveštajna struktura, kaže ministar policije Bosne i Hercegovine, i dodaje:

Pendrek

MOŽE BITI SIMBOL MIRA I SARADNJE

U momentu kad su nekoliko obavještajnih službi iz regiona i Obaveštajna zajednica SAD upozorile da Balkanu prethodi novi rat koji bi ponovo mogao da krene iz Bosne, g. Tarik Sadović, ministar sigurnosti Bosne i Hercegovine, svakako je bio jedna od najzanimljivijih ličnosti nedavno završene Šeste ministarske konferencije o saradnji u oblasti granične bezbednosti u Jugoistočnoj Evropi.

U intervjuu za NT, koji smo sa g. Sadovićem uradili naknadno, pismenim putem, pošto je u Beogradu zbog kratkih rokova bilo nemoguće doći do njega, on se osvrće na rezultate ministarske konferencije, ali i na saradnju između policija u regionu, slučaj Dobrovoljačke ulice u Sarajevu i najave novih etničkih sukoba u BiH.

- Zadovoljan sam rezultatima Šeste ministarske konferencije o saradnji u oblasti granične sigurnosti u Jugoistočnoj Evropi. Beograd i ministar Dačić pokazali su se kao

■ **Bosni ne prethodi bauk terorizma**
 ■ **Proizvođači sukoba u regionu ispeći će se na sopstvenoj vatri kad nas NATO sve usisa**

dobri organizatori i gostoljubivi domaćini, a zasluge pripadaju i DCAF-u. Prvi put poslije 20 i više godina posjetio sam Beograd i prisjetio se nekih lijepih trenutaka koje sam tu doživio. U svom govoru na Konferenciji odao sam priznanje kreatorima DCAF-ovog Programa granične sigurnosti, jer je olakšao naša nastojanja da regiju Jugoistočne Evrope učinimo prostorom

sigurnih međudržavnih granica. Moj prijedlog uspostavljanja Koordinacijskog centra za graničnu policijsku saradnju sa sjedištem u Sarajevu je jednoglasno prihvaćen, pa je to razlog više za iskazano zadovoljstvo.

● **Kako ocenjujete saradnju između policija zemalja u regionu?**

- Iako rizikujem da se i vi i vaši čitaoci nasmijete, odgovorit ću ču-

venom rečenicom iz još čuvenijeg filma: „Svakog dana u svakom pogledu (saradnja policija zemalja u regionu) sve više napreduje“. Rekao sam u Beogradu da regionalna policijska saradnja mora stalno jačati, bez obzira kakvi su trenutni politički odnosi među državama. Dobra sigurnosna situacija je interes svih naših građana, a bez policijske saradnje to je neostvarivo. Zašto policajci ne bi bili prethodnici i predvodnici izgradnje dobrosusjedskih odnosa, iako znam da je nekima teško prihvatiti da „pendrek“ može biti simbol mira i saradnje.

● **Koji oblici kriminala se, prema Vašim podacima, prelivaju iz Srbije u BiH, i obrnuto?**

- Krijumčarenje droga, šverc akciznih roba i stoke. Zabilježene su

Slučaj Dobrovoljačka mogao bi da pokvari odnose BiH i Srbije

● **Kako komentarišete istragu koja je pokrenuta na zahtev srpskog Tužilaštva za ratne zločine u slučaju ubistva vojnika JNA u Dobrovoljačkoj ulici u Sarajevu 1992? Da li ćete saradivati sa srpskim Tužilaštvom po tom pitanju?**

- Tu istragu razumijevam kao politički motiviranu i kao recidiv jedne propale ideologije i politike. Zar se tako grade dobrosusjedski odnosi i uzajamno povjerenje?! Tužilaštvo i Sud BiH su multietnički, u njima rade sudije i tužioci Srbi, Hrvati, Bošnjaci i ostali, a u Odjelu za ratne zlo-

čine nalaze se i strane sudije i tužioci! Rekao sam vrlo otvoreno kolegi Dačiću da se istraga u Beogradu ne može opravdati, pogotovo što je glavni tužilac u BiH Srbin, kao što je i predsjednik Visokog sudskog i tužilačkog vijeća BiH. Zar, uostalom, predsjedavajući Predsjedništva i premijer BiH nisu Srbi? Kome to onda Srbi u Bosni i Hercegovini ne vjeruju kada traže da se istrage i suđenja umjesto u njihovoj državi vode u Srbiji? Zar sapunica od suđenja Iliji Jurišiću koja traje dvije godine nije ozbiljno upozorenje da s tim treba

prestatu?

- Ako se navodni ratni zločin desio u Bosni i Hercegovini i ako je počinjen od strane državljanina BiH, onda se treba procesuirati u Bosni i Hercegovini, a ne u Srbiji. Tako je i po međunarodnom i po domaćem pravu. Srbijansko pravosuđe do sada se nije „proslavilo“ suđenjima svojim državljanima koji su počinili ratne zločine u Bosni i Hercegovini. A ima ih mnogo... Slučaj istrage protiv više lica iz BiH, koji je na zahtjev i pod pritiskom kobajagi nevladinih udruženja iz Republike Srpske pokrenulo sr-

bijansko Tužilaštvo, izazvao je ogorčenje ogromne većine naših građana, jer je taj slučaj otvoren i u Tužilaštvu BiH. Ako srbijski Interpol još raspiše i crvenu potjernicu da bi tim licima onemogućio putovanje u inozemstvo, to će definitivno pogoršati međudržavne odnose BiH i Srbije. Zato ja pozivam srbijski politički vrh, ali i pravosuđe Srbije, da slučaj prepuste BiH pravosuđu.

- Slučaj iz Dobrovoljačke ulice u Sarajevu uzrokovan je hapšenjem tadašnjeg predsjednika Predsjedništva BiH, rahmetli Alije Izetbegovića.

Bosna i Hercegovina je već tada bila međunarodno priznata država i otmica njenog predsjednika od strane JNA kao okupacione sile može se tretirati jedino kao akt nezamislivog nasilja. Niko zaista ne želi zaštititi od krivičnog gonjenja bilo kojeg počinio ratnog zločina, ali to mora utvrditi Sud BiH, a ne Srbije. Rekao sam takođe u Beogradu da otvaranje ovakvih slučajeva strahovito sužava prostor onim političarima iz obje zemlje koji žele da gledaju u budućnost, a daje „krila“ onima što su još uvijek u „okovima“ prošlosti.



Zadovoljan prijemom u Beogradu: Ministar Sadović se rukuje sa predsjednikom Tadićem

Vreme za sticanje međusobnog poverenja

● *Koji efekat očekujete od formiranja mešoviti patrola uz zajedničku državnu granicu, o čemu ste potpisali Protokol s ministrom Dačićem?*

- Očekujem intenziviranje prekogranične operativne policijske saradnje u borbi protiv svih oblika prekograničnog kriminala i bolje rezultate. Zašto ne bi koordinirano djelovali, izvodili zajedničke operacije, razmjenjivali informacije, analizirali rizike, stjecali i razmjenjivali iskustva i uveli evropske standarde? No, važnije od svega je stjecanje međusobnog povjerenja, a zajednički rad je dobra osnova.

Otvoreno razgovarali: Sadović i Dačić



■ Policije balkanskih zemalja krenule su u ofanzivu protiv mafije ■ Bezbednosna saradnja neophodna bez obzira na političku

ilegalne trgovine oružjem; ilegalne migracije i krivotvorenje novca. Posebno smo uočili problem tzv. „krađe identiteta“, odnosno nezakonitog pribavljanja dokumenata BiH (lične karte, pasoši) od strane opasnih kriminalaca iz Srbije. Osim kriminalaca, prelivaju se i obračuni kriminalaca, koji zbog načina izvršenja i okrutnosti ugrožavaju sigurnost građana.

● **Italijanski ministar Roberto Maroni izjavio je u Beogradu da su enormno povećane količine heroina koje „balkanskom rutom“ idu od Avganistana ka Evropi. Da li se to poklapa sa iskustvima Vaše policije i da li možete da nam date neke konkretne podatke? Da li je droga, ili neka druga vrsta kriminala, problem broj jedan u regionu?**

- Imao sam zadovoljstvo upoznati tog ministra baš u Beogradu. BiH je pretežno zemlja tranzita droga na jednom kraku tzv. „balkanske rute“. Zabrinjava nas što se broj konzumenata povećava, a posljedice su višestruke i pogubne, kako za pojedinca i njegovu porodicu, tako i za društvo. Novac koji se vrti oko droge je ogroman, a rizik za stjecanje tog novca neproporcionalan i zato je najprivlačniji „priljavi biznis“. Smatram da je borba protiv neovlaštene proizvodnje i prometa opojnih droga naš prioritet. Iako u poslednjih par godina bilježimo značajan napredak u borbi protiv zloupotrebe droga, ni izdaleka nisam zadovoljan. Policijske agencije u BiH prošle godine su zaplijenile 18 kg heroina, 1 kg kokaina, 275 kg marihuane itd.

● **Šta se sve švercuje i koji su švercerski kanali za koje znate između naše dve zemlje? Koji je obim šverca bio prošle godine?**

- Cigarete, stoka... Švercuje se

- Pored ovolikog prisustva međunarodnih vojnih, policijskih, obavještajnih i drugih struktura, i domaćih policija, terorističko sjeme teško može „proklijati“, a kamoli ozbiljna i organizovana prijetnja

- Rekao sam kolegi Dačiću da se istraga za Dobrovoljačku ulicu u Beogradu ne može opravdati, pogotovo što je glavni tužilac u BiH Srbin, kao što je i predsjednik Visokog sudskog i tužilačkog vijeća BiH. Zar, uostalom, predsjedavajući Predsjedništva i premijer BiH nisu Srbi? Kome to onda Srbi u Bosni i Hercegovini ne vjeruju kada traže da se istrage i suđenja umjesto u njihovoj državi vode u Srbiji

svaka roba koja donosi veliku dobit. Jedan poslanik u Državnom parlamentu BiH izrazio je divljenje za veličinu prekodrinske flote kojom se vrši šverc.

● **Ko bolje sarađuje - balkanska mafija ili policije balkanskih zemalja? Sa kojim od suseda imate najbolju saradnju?**

- Logično je zaključiti da je uslov opstanka ovoga što vi nazivate mafijom dobra organiziranost i uvezanost. Pipci organiziranog kriminala dopiru do mnogih utjecajnih krugova, koji im pružaju pokroviteljstvo ili podršku. Ako su državne vlasti odlučne i iskrene u borbi protiv mafije, ako su uz to, opredjeljene za saradnju sa susjedima i pokazuju je na djelu, a ne na jeziku, onda je i prostor za transnacionalni kriminal sužen. Na poslednjem, neformalnom sastanku ministara unutrašnjih poslova i sigurnosti iz država regije, koji je održan u Sarajevu, objavili smo našu odlučnost da se obračunamo sa

svim oblicima organiziranog kriminala. Uspjesi u ovoj oblasti čine naše napore na evropskom putu vjerodostojnim. Niz akcija policije u svim zemljama regije dokazuju da smo krenuli u ofanzivu.

● **Koliko su opravdana upozorenja Obaveštajne zajednice SAD da se u BiH ove godine očekuju novi multietnički sukobi, i kako ih sprečiti?**

- Smatram da nema resursa za sukobe. Potrošili su se. A i narod se opametio. Šta su sukobi donijeli, osim siromaštva i nesreće? Ogromna većina hoće bolji život, jer je svjesna da će u svakom sukobu izvući deblji kraj, jer i sada jedva sastavlja kraj s krajem. Kao funkcioner u sektoru sigurnosti, ne potcjenjujem nijednu sigurnosnu prijetnju ili rizik. Vjerujem da je jedina mogućnost za izbijanje sukoba, i to niskog intenziteta, ako ih neka političko-obavještajna struktura bude željela proizvesti. Ne daj Bože! NATO nas sve polahko usisava, pa bi

se oni koji se zanose proizvodnjom sukoba brzo „ispekli“ na vlastitoj vatri.

● **Koliko je tačna izjava g. Dževada Galijaševića, člana Ekspertskog tima Jugoistočne Evrope za borbu protiv terorizma i organizovanog kriminala, data našem listu pre 10 dana, da je u toku veliko naoružavanje terorista i vehabista u BiH, i da oni predstavljaju veliku pretnju za samu BiH, ali i ceo region?**

- Iz svake izjave te spodobe - samozvanog eksperta za terorizam, zaudara obavještajni smrad. Ko mu je dao certifikat da bude ekspert? Možda Darko Trifunović i Domagoj Margetić? Ko je tu lud, a ko zbuđen? Sjećate li se Moševca? Pitajte ga da li je i sada saradnik (para)obavještajnih struktura? No, nije taj trojac glavni problem, već oni mediji koji po nalogu šire propagandu, tako što njihove sulude konstrukcije i laži uzimaju zdravo za gotovo.

● **Da li Vaše Ministarstvo ima strategiju borbe protiv terorizma i koji su do sada konkretni rezultati?**

- BiH ima Strategiju za borbu protiv terorizma. Potpisnici smo brojnih međunarodnih konvencija, koje moramo poštovati. Učestvujemo u antiterorističkoj koaliciji. U godinama poslije terorističkog napada na Svjetski trgovinski centar u Njujorku, BiH je bezbroj puta bila meta napada i optužbi za tzv. islamiistički terorizam. Zar je činjenica da islam i muslimani u BiH opstaju skoro 600 godina dovoljna da nas stalno optužuju za terorizam, a onda se mi stalno nekome pravdamo da nismo teroristi. Pored ovolikog prisustva međunarodnih vojnih, policijskih, obavještajnih i drugih struktura, kao i domaćih policija, terorističko sjeme teško može „proklijati“, a kamoli ozbiljna i organizovana prijetnja. Konačno, u poslijeratnom periodu mogu se na prste ruke prebrojati izvršena krivična djela sa obilježjima terorizma. Poslije svega što je propatila, Bosna zaista nije zaslužila da je pretvore u bauk terorizma.

Vojislava Crnjanski Spasojević
Foto: Zoran Tatar

Kriminalci koriste dvojna državljanstva

● **Jedno vreme su kriminalci iz Srbije bežali u BiH. Da li je i dalje tako i koliko njih je uhvaćeno? A obratno?**

- Već sam rekao da smo uočili značajan broj krađa identiteta od strane kriminalaca iz Srbije, koji na taj način žele da izbjegnu pravdi. U toku je jedna velika istraga, koju vode Tužilaštvo BiH i Državna agencija za istrage i

zaštitu (SIPA). Naravno, postoji i problem bježanja kriminalaca iz Srbije u BiH i skrivanje kod jataka. To mu dode kao dio hajdučke tradicije. Poseban problem su tzv. dvojna državljanstva, odnosno ustavne i zakonske barijere za izručenje vlastitih državljanina u svim zemljama regije, što kriminalci obilato koriste. Naša javnost je po-

sebno ogorčena kad se objelodane podaci da su optuženici za ratne zločine počinjene u BiH našli utočište u susjednoj državi. Ne znam kome odgovara da se monstrumi šetaju slobodno i izruguju pravdi, a istovremeno su i ogromna potencijalna sigurnosna prijetnja. „Juče u našem, a danas i u vašem stanu...“